

Udruženje
AMICA **EDUCA**



**GODIŠNJI
IZVJEŠTAJ
O RADU**

2018.

Udruženje / Association "Amica Educa"
Klosterska 13, 75000 Tuzla, Bosna i Hercegovina

Tel: ++387 (0)35 248-910, 257-366

info@amicaeduca.ba

Fax: ++387 (0)35 248-911

www.amicaeduca.ba

www.facebook.com/amica.educa



SADRŽAJ

GODIŠNJI IZVJEŠTAJ O RADU AMICA EDUCA

1	Sažetak.....	2
2	Psihoedukativne radionice.....	3
3	Psihološko savjetovalište.....	7
4	Rodna ravnopravnost.....	10
5	Saradnja sa vladinim institucijama i nevladinim organizacijama.....	14
6	Organizacijski razvoj.....	16
7	Donatori.....	17
8	Statistički podaci.....	18
9	Finansijski izvještaj.....	22

1

SAŽETAK

U periodu januar – decembar 2018.godine, projekti Amica Educa i dodatne ne-projektne aktivnosti registrirali su 1848 učešća osoba u različitim grupnim i individualnim aktivnostima / uslugama koje utiču na njihovu ličnu, društvenu i profesionalnu funkcionalnost te doprinose ostvarivanju njihovih prava na obrazovanje, zdravlje i socioekonomski status.

Unapređivanjem iskustvenog znanja i vještina vezanih uz njihove društvene interakcije, porodično funkcioniranje, roditeljstvo, ravnopravnost spolova, tržište rada i poslovanje, korisnici Amica Educa usvojili su nove načine za poboljšanje mentalnog i socijalnog zdravlja, svoje profesionalne performanse kao i zapošljivost. Postali su samosvjesniji, samopouzdaniji, s više razumijevanja za probleme / izazove s kojima se suočavaju, te stekli više motivacije za proaktivno djelovanje u svojoj porodici i okruženju.


Podizanje svijesti o mentalnom zdravlju i psihološkom osnaživanju, rodnoj ravnopravnosti u različitim područjima učinjeno je kroz medijske objave: TV i radio emisije i priloge,

članci i objave na web portalima, objave na web stranici, facebook profilu kao i youtube kanalu Udruženja. Svi medijski istupi, zajedno s raznim oblicima saradnje i umrežavanjem sainstitucijama u sektoru obrazovanja, zdravstva i socijalnih usluga, omogućili su vidljivost Amica Educa-e u gradu Tuzli, Tuzlanskom kantonu i šire.

Amica Educa je i u toku 2018. godine nastavila postojeće i ostvarila nove saradnje sa relevantnim institucijama i organizacijama.

Razvoj Amica Educe se ogleda u kontinuiranom razvoju ljudskih resursa, povećanju vidljivosti organizacije, poboljšanju kvalitete i povećanju broja programa/usluga,povećanju aktivnosti u oblasti zagovaranja i razvoju infrastrukture.

U 2018. godini Amica Educa je internacionalnim i lokalnim donatorima aplicirala sa 15 projektnih projekloga, od toga; 8 je odobreno, 5 odbijeno a za 2 se još uvijek očekuje odgovor.



2

PSIHOEDUKATIVNE RADIONICE

2.1. Radionice za profesionalce/kinje i studente/kinje pomagačkih zanimanja i osobe zainteresirane za lični rast i razvoj

U okviru ponude edukacija za profesionalce/kinje i studente pomagačkih zanimanja kao i osobe zainteresirane za lični rast i razvoj, Amica Educa je u toku 2018.godine realizirala sljedeće teme radionica:

- Kreativno izražavanje slikanjem – napredni modul,
- Kreativno izražavanje slikanjem – bazična edukacija u 3 modula za studente Edukacijsko-rehabilitacijskog fakulteta Univerziteta u Tuzli,
- Porodična dinamika – bazična edukacija u 3 modula,
- Porodična dinamika – napredni modul,
- Seksualno zlostavljanje u djetinjstvu – bazična edukacija u 3 modula,
- Rodna ravnopravnost – bazična edukacija u 3 modula,
- Plesovi univerzalnog mira – napredni modul,
- Plesovi univerzalnog mira za nastavnike/ce Religijske kulture – bazična edukacija u 2 modula,
- Nenasilna komunikacija – bazična edukacija u 3 modula,

- Terapija muzikom/bubnjevima – bazična edukacija u 3 modula,
- Historija umjetnosti – tematske jednodnevne radionice.

Ukupno je realizirano 87 dana psihoedukativnih radionica na kojima je evidentirano 186 učešća (172 žene i 14 muškarca). Od ukupnog broja učešća, 148 učesnika/ca su osobe pomagačkih zanimanja (prosvjetni, zdravstveni, socijalni radnici/e, psiholozi/ginje, pedagozi/ginje, socijalni/e pedagozi/ginje, edukatori-rehabilitatori i sl.). Ostalih 38 učesnika/ca su osobe koje žele unaprijediti vlastito psiho-socijalno funkcioniranje i poboljšati kvalitetu života uopće.

Izjave i pismeni odgovori iz evaluacijskih upitnika učesnika/ca pokazuju da je 90% svih učesnika psihoedukativnih radionica uvidjelo da, ukoliko žele iskusiti pozitivne promjene u svom životu, odnosima sa članovima porodice i drugim ljudima iz njihovog privatnog ili poslovnog okruženja, potrebno je da počnu od sebe, unapređenju vlastitih kompetencija i razvoju svoje ličnosti.





Učink multiplikiranja vještina i znanja prijavilo je 90% učesnika/ca koji rade s djecom, mladima i odraslima a u okviru pružanja različitih socijalnih / pedagoških / zdravstvenih usluga. Učesnici/e izvještavaju o primjeni stečenog znanja, tehnika, vještina, specifičnih vježbi i sl. izravno u svome svakodnevnom radu. Također izvještavaju o unapređenju vlastitog razumijevanja pozadine klijenata / pacijenata / učenika, boljoj komunikaciji i odnosu sa njima.

oslobođanje stresa učesnika/ca. Imajući u vidu da većina profesionalaca pomagačkih zanimanja nemaju superviziju a susreću se sa izazovnim i teškim situacijama te često osjećaju simptome burn out-a, upravo ovakve vježbe na radionicama su naglašene kao potrebne i važne, posebno u rješavanju kriznih situacija u radu.

Općenito, svi učesnici izvještavaju o doživljaju pozitivnog učinka vezanog uz upravljanje stresom. Vježbe za opuštanje, vježbe disanja, vježbe za poboljšanje grupne dinamike, vođene meditacije i sl. imale su vrlo pozitivan učinak na





2.1. Psihoedukativne radionice za nezaposlene žene sa područja Općine Živinice

U okviru projekta „Osnaživanje žena za akcije u zajednici“ koji se implementira u Općini Živinice, realizirano je ukupno 33 dana psihoedukativnih radionica na teme:

- Kontekst i porodica bazirano na modelu Porodične dinamike
- Kontekst i porodica bazirano na modelu Pozitivne discipline u odgoju djece
- Komunikacija i socijalna promjena bazirano na modelu Nenasilne komunikacije
- Snaga, moć i prava žena

Generalni cilj projekta i realiziranih psihoedukativnih radionica je psihološko osnaživanje žena za njihovo poduzimanje promjena i konkretnih akcija u svrhu unapređenja vlastite ličnosti i pozicije u porodici i društvu. Na radionicama je zabilježeno ukupno 60 učešća žena, starosti između 18 i 55 godina, sa najmanje srednjom stručnom spremom a koje žive na području općine Živinice. 75% žena koje su učestvovala u radionicama izvještavaju o stjecanju znanja i vještina koje dovode do povećane sposobnosti za izražavanje svog unutarnjeg svijeta: misli, emocija i potreba. Primjetno je da se njihovo samopouzdanje i samopoštovanje povećava, što direktno dalje utiče na njihovu jasniju artikulaciju životnih ciljeva, snažnije samozastupanje i donošenje konkretnih pozitivnih odluka vezanih za vlastiti život. Sve ove promjene na ličnoj razini izravno utiču na promjene unutar njihovih obitelji (u odnosu na djecu i/ili muža i/ili druge članove porodice i rodbine) te unutar njihove zajednice.



Većina žena živi u relativno zatvorenom krugu porodice i susjedstva. Osjećati se kao dio grupe, biti jednak i poštovan, imati prostor za razmjenu misli i osjećanja, biti slobodan izraziti se i čuti bez prosuđivanja bio je vrlo važan dio rada na radionicama. Još jedno važno postignuće za žene bilo je učenje novih i otkrivanje vlastitih mehanizama rješavanja stresa. To je nešto što su relativno brzo mogli primijeniti u svakodnevnim situacijama i u čemu su lako mogli uvidjeti rezultate rada na sebi.

Jedna od važnih promjena koja je postignuta kod korisnica projekta je vezana za njihovo izlaženje iz uloge Ja-žrtva, pronalazak vlastitog načina za preuzimanje uloge Ja-preživjela/Ja-pobjednica. Uloga preživjele/pobjednice omogućila im je da prepoznaju svoje prednosti, vrijednosti koju posjeduju i što je najvažnije da su njihova životna iskustva dala brojne alate za stvaranje vlastitog života temeljenog na vlastitim potrebama i pravima. Korisnice su razvile svijest da bilo koji oblik nasilja nad njima nije prihvatljiv te da za iste ne preuzimaju odgovornost. Postali su svjesni tradicionalnih normi koje nose iz svoje bazične porodice, a odnose se na položaj žena u braku, obitelji i zajednici te su spremni na iniciranje promjena u svom životu.



3

PSIHOLOŠKO SAVJETOVALIŠTE

Aktivnosti u okviru Psihološkog savjetovanja namijenjene su rješavanju psiholoških problema, poboljšanju mentalnog zdravlja i razvijanju dugoročnog emocionalnog zadovoljstva građana/ki koji trebaju takvu vrstu podrške. U 2018. godini ukupan broj korisnika/ica i klijenata/ica (odrasli i djeca) psihološkog savjetovišta iznosio je 240 (190 žena i 50 muškaraca), koji su bili uključeni u jednu ili više od ukupno 560 realiziranih sesija i/ili radionica.

3.1. SOS telefon

U periodu januar – decembar 2018. godine ukupan broj građana/ki koji su zatražili i dobili podršku putem SOS telefona je 90 (67 žena i 22 muškarca i 1 transrodna osoba). Od tog broja, 70 osoba je dobilo podršku kroz savjetovanje i psihoterapiju vezanu uz sljedeće probleme: poremećeni odnosi s članovima porodice, profesionalni stres i burn-out, stres uzrokovan dugotrajnom nezaposlenošću i bolešću, osobne krize, bračne krize, žalovanje za umrlim članovima obitelji, emocionalne krize i emocionalno zatvaranje. Ostali pozivatelji/ke imali su potrebu za različitim informacijama ili drugom vrstom podrške, uglavnom materijalne i/ili financijske. Neki od njih dobili su malu financijsku podršku u skladu s mogućnostima Udruženja Amica Educa.

3.2. Psihoterapija i savjetovanje

Osobe koje su imale veće akutne ili kronične psihološke probleme, u skladu s njihovim interesom i potrebama, uključene su u savjetovanje i psihoterapiju. Tokom ovog izvještajnog perioda održano je 308 individualnih, partnerskih/porodičnih i grupnih psihoterapija i savjetovanja za ukupno 70 klijenata/ica (50 žena i 20 muškaraca). Neki od klijenata/ica bili su učesnici drugih aktivnosti koje Amica Educa implementira a u toku kojih su prepoznali potrebu za dodatnom psihoterapijskom podrškom tijekom.

Rezultati koji su postignuti u smislu napretka osobnog rasta klijenta/ica su:

- poboljšano funkcioniranje u svim područjima života;
- razvojnih strategija u partnerskom odnosu;
- rad na jačanju identiteta i uvođenju zdravijih obrambenih mehanizama;
- podrška u žalovanje za izgubljenim djetetom;
- podizanje samopouzdanja;
- poboljšana socijalizacija;
- bolje razumijevanje partnerskih odnosa i poboljšana partnerska funkcionalnost;
- unapređeno funkcioniranje u porodičnom okruženju;
- osvještavanje obrazaca ponašanja koji klijenta drže u disfunkcionalnim odnosima;
- smanjenje potrebe za kontrolom;
- fokusiranje na vlastite resurse;
- prepoznavanje emocija i otvoreni razgovor o njima.

Generalno, unutar Psihološkog savjetovišta došlo je do povećanja broja ljudi koji se suočavaju s različitim psihijatrijskim poremećajima a koji traže podršku kroz psihološko savjetovanje i psihoterapije.

Prema specifičnostima slučaja, takvi klijenti/ce se prosleđuju Centru za mentalno zdravlje ili Psihijatrijsku bolnicu Tuzla.





3.3. Porodične grupne konferencije (PGK)

Od januara do decembra organizirano je ukupno 14 porodičnih konferencija za 14 porodica odnosno 53 korisnika (29 djece/mladih i 24 roditelja). Porodice su podržane od strane 57 članova porodice/rodbine i članova njihove šire društvene mreže te 49 stručnjaka/kinja iz različitih institucija i nevladinih organizacija. Dakle, obuhvaćen je rad i koordinacija sa ukupno 159 osoba.

Pored održanih, inicirane su još 2 PGK ali zbog složene porodične situacije koja zahtijeva dolazak članova kruga podrške iz inozemstva, još nisu realizirane.

Porodične grupne konferencije su se u 2018. godini realizirale u saradnji sa sa 7 škola sa područja TK i Centrom za socijalni rad Tuzla.

Realizirane PGK su pružile podršku porodicama koje se suočavaju s različitim poteškoćama kao što su: problemi u ponašanju djece u školi (agresivno ponašanje, nasilna komunikacija s vršnjacima, poteškoće sa koncentracijom i učenje, neredovito pohađanje škole, prekidanje školovanja), neodgovorno roditeljstvo, prekinuti porodični odnosi,

financijske poteškoće i drugi problemi koji proizlaze iz financijske nestabilnosti. Sve porodice koje su se uključile u rad PGK uspjele si napraviti plan s preciznim koracima koje treba poduzeti u procesu rješavanja specifičnog problema. Procjena provedbe plana (koja se radi dva mjeseca nakon usvajanja plana), pokazala je da je više od 61% planova u potpunosti ispunjeno. Nakon sprovedene PGK, većina porodica izvještava o poboljšanoj komunikaciji i odnosima unutar članova porodice.

Osim PGK, održana su i 3 intervizijska sastanka projektnog osoblja i 3 vanjska intervizijska sastanka neformalne mreže PGK u BiH te jedna prezentacija rezultata druge godine projekta.





3.4. Psihoedukativna i kreativna podrška djeci

U 2018. godini 3 grupe (ukupno 18 djece) uzrasta od 6 do 8 godina, uključeno je u 44 psiho-edukativne i kreativne radionice za djecu. Vježbe i igre korištene u radionicama prilagođene su uzrastu djece, a svaka radionica ima specifičnu temu kako bi potaknula djecu da se razvijaju u važnim ličnim aspektima. Zabilježeni postignuti rezultati u

radu sa djecom su: uspješno prevazilaženje nestvarnih strahova; poboljšanje komunikacijskih vještina, povećanje sposobnosti vezanih za fokus, koncentraciju, pamćenje i učenje, usvajanje osnovnih životnih poruka koje se odnose na ljubav prema sebi i drugima, prijateljstvo i suosjećanje te razvoj i unapređenje moralnih vrijednosti.

3.5. Druge aktivnosti podrške

Pored gore navedenih, u okviru Psihološkog savjetovališta realizirane su i druge aktivnosti, kao što se: Psihosocijalna podrška za žene – Plesovi univerzalnog mira i Reiki, Tjelesne rekreativne vježbe za žene, Psihološka podrška za

žene sela Snagovo i Grupa samopomoći – Porodična dinamika. Ove aktivnosti su obuhvatile rad sa ukupno 62 osobe koje su psiho-fizički osnažene i koje su uspostavile bolju ravnotežu i više moći nad svojim životom.



4

RODNA RAVNOPRAVNOST

4.1. Prekidanje tišine o rodno zasnovanom nasilju

Krajem juna 2018. godine završena je prva godina projekta „Prekidanje tišine o rodno zasnovanom nasilju“ koji je realiziran u saradnji sa OŠ Kreka u Tuzli. U projekat je uključeno oko 300 djece. Nakon provedbe svih planiranih projektnih aktivnosti postignuti su sljedeći rezultati:

- 100% djece osnovnoškolskog uzrasta upoznato je s konceptom rodno zasnovanog nasilja (RZN) kroz različite aktivnosti.
- 30% školske djece upoznato je s konceptom RZN-a i kako nejednakosti u tradicionalnim ulogama doprinose RZN.
- 30% školske djece, na razini njihove starosne dobi, mogu raspravljati o promjenama koje su potrebne u tradicionalnim ulogama kako bi se smanjilo RZN.
- 6 studenata, volontera projekta i nezaposlenih stručnjaka/kinja socijalnih, psiholoških, pedagoških i

edukatorsko-rehabilitatorskih zanimanja stekli su znanja i vještine za radu sa grupama djece osnovnoškolskog uzrasta a vezano za RZN.

U julu 2018.g. započela je druga godina istog projekta ali sada u saradnji sa OŠ Miladije Tuzla. Projekat je obuhvatio rad sa više od 500 djece. Aktivnosti završene do kraja 2018.godine su:

- Obučeno 10 volontera/ki. Izvršen proces selekcije i angažirano ukupno 6 volontera/ki za rad na projektu.
- Sprovedena početna anketa projekta s više od 500 školskih djece. Završna anketa će biti sprovedena na kraju projekta.
- Provedena 2 jednodnevna treninga o prevenciji RZN za 40 nastavnika i stručnog školskog osoblja.
- Kreirane, uvježbane i sprovedene 2 forumske i 2 lutkarske predstave za više od 500 školske djece i nastavnog osoblja.
- Realizirano 5 radionica o prevenciji RZN za sve učenike/ce od 1. do 5. razreda OŠ Miladije.






4.2. Prava i poštovanje bez obzira na spol

Cilj ovog projekta je prevencija rodno zasnovanog nasilja (RZN) putem podizanja svijesti i edukacije o društvenim vrijednostima koja podržava jednaka prava i poštovanje za sve članove zajednice, bez obzira na njihov spol. Postignuti su sljedeći rezultati:

- Educirano 18 mladih ljudi (volontera/ki) kako bi radili na prevenciji RZN-a među svojim vršnjacima.
- Educirano 19 nastavnika/ca srednjih škola iz Tuzlanskog kantona o prevenciji RZN. Pruženi su im alati i znanje kako bi stečeno znanje uključili u svoj svakodnevni rad sa učenicima/cama.

- Sprovedeno je 6 uličnih kampanja i 6 predavanja u saradnji sa Ministarstvom unutarnjih poslova (žene policajke u uniformama sudjelovale su kampanjama).
- Putem predavanja, educirano preko 500 srednjoškolaca/kivezano za prevenciju RZN, prepoznavanju RZN i resursima koji su dostupni za pomoć.
- Informirano i educirano 25.000 mladih o znakovima i načinima prepoznavanja nasilnih oblika ponašanja u odnosima i o dostupnim oblicima pomoći u slučajevima nasilja u odnosima.
- Motivirano je 25.000 mladih da preispitaju postojeća uvjerenja i norme o prihvatljivim rodnim normama ponašanja u odnosima.





4.3. Prevencija vršnjačkog rodno zasnovanog nasilja u školama

U periodu septembar – decembar 2018.g., Amica Educa je realizirala projekat pod nazivom Prevencija rodno zasnovanog nasilja u školama. Glavni cilj projekta bio je prevencija vršnjačkog rodno zasnovanog nasilja putem informiranja, edukacije i komunikacije o društvenim vrijednostima koje podržavaju jednaka prava i poštovanje svih članova zajednice bez obzira na spol i dob.

Projektne aktivnosti uključivale su realizaciju četverodnevni radionica za dvije grupe stručnjaka zaposlenih u vrtićima i školama u Tuzlanskom kantonu (ukupno 8 dana edukacije).

31 stručnjaka/kinja (nastavnici/e, pedagozi/ginje, psiholozi/ginje, specijalni edukatori/ce) educirano je o rodno zasnovanom nasilju, što je rezultiralo poboljšanjem ličnih i profesionalnih kompetencija povezanih s radom u oblasti prevencije i suzbijanja vršnjačkog RZN u školama. Učesnici su dobili na raspolaganje pisane materijale za odgojno-obrazovni rad sa djecom na ovu temu. Već u toku same implementacije edukacije jedan dio učesnika su započeli primjenjivati stečeno znanje u pripremi tematskih radionica za djecu. Pored znanja vezanog za konkretan rad sa djecom u školama, učesnici su također dobili znanja vezana za pružanje podrške u lokalnim zajednicama u prevenciji vršnjačkog nasilja i očuvanju ljudskih prava i prava djeteta.





4.4. Edukacija „Uspostavljanje mehanizama rodne ravnopravnosti“ za uposlenike/ce institucija u Općini Živinice

U okviru projekta „Osnaživanje žena za akcije u zajednici“ u 2018.godini implementirana su prva 3 od ukupno 8 planiranih dana edukacije na temu „Uspostavljanje mehanizama rodne ravnopravnosti“ namjenjene uposlenicima institucija na području Općine Živinice. Na radionici je učestvovalo ukupno 23 predstavnika/ce javnih vlasti i institucija (19 žena i 4 muškarca): Općina Živinice, Centar za socijalni rad, Dom zdravlja/Centar za mentalno zdravlje, Komisija za ravnopravnost spolova Općine Živinice, TV Živinice, osnovne i srednje škole/gimnazija, obdanište.

Iako je edukacije još u toku svoje realizacije, predstavnici/e izveštavaju o povećanju znanja o ravnopravnosti spolova i spremnosti da rodno-osvijestene akcije i aktivnosti uključe unutar njihovog područja odgovornosti i djelovanja. Glavnu aktivnost o kojoj izveštavaju je vezana za podizanje svijesti građanstva u pogledu ravnopravnosti i jednake raspodjele mogućnosti, prava, obaveza i privilegija. Edukacija predstavnika/ca institucija će se nastaviti i u 2019.godini.



5

SARADNJA SA VLADINIM INSTITUCIJAMA I NEVLADINIM ORGANIZACIJAMA

Amica Educa je uspostavila i/ili nastavila suradnju sa nekoliko institucija i nevladinih organizacija sa područja Tuzlanskog kantona i Bosne i Hercegovine:

- **Općina Živnice** – Potpisan je Sporazum o saradnji na projektu "Osnaživanje žena za akcije u zajednici" sa Općinom Živnice i Centrom za mentalno zdravlje Živnice, projekat će se realizirati u periodu 2018.-2020. godina. Nastavljena je i prethodno ostvorena suradnja sa Vijećem žena, a u pripremi je potpisivanje sporazuma i sa Centrom za socijalni rad Živnice.
- **Centar za socijalni rad Tuzla** – nastavljena je saradnja u okviru projekta "Porodična grupna konferencija", koja ujedno uključuje i saradnju sa 7 osnovnih i srednjih škola iz Tuzle. Saradnja je zasnovana na Ugovoru o saradnji i Aneks Ugovoru koji jasno definira zajedničke aktivnosti koje doprinose unapređenju mentalnog zdravlja i socioekonomskog statusa porodica u riziku na području Grada Tuzle.
- **Centar za mentalno zdravlje** – nastavljena je ranije uspostavljena saradnja u razmjeni informacija i upućivanja klijenata, te u radu na unapređenju mentalnog zdravlja građana Grada Tuzle.
- **Univerzitet u Tuzli**
 - **Edukacijsko-rehabilitacijski fakultet** – nastavljena saradnja u okviru projekta "Tandem Univerzitet – Amica Educa". Projekat uključuje edukaciju studenata treće i četvrte godine u oblasti Kreativnog izražavanja slikanjem i drugih metoda koje se primjenjuju u radu sa djecom i odraslima.
 - **Filozofski fakultet / odsjek Socijalni rad** – predstavnica Amica Educe je održala dvije prezentacije modela rada sa porodicama Porodične grupne konferencije i aktivnosti istoimenog projekta koji implementira Udruženje. Predavanjima je prisustvovalo 56 studenata, prve, teče i četvrte godine studija Socijalni rad.



- **Društvo psihologa Federacije Bosne i Hercegovine** – Podružnica Tuzla – saradnja je ostvorena u okviru manifestacije 2. Tuzlanski dani psihologije 2018 pri čemu je Amica Educa realizirala dvije radionice u oblasti funkcionalnosti/disfunkcionalnosti porodice i nenasilne komunikacije.
- **Ministarstvo unutrašnjih poslova** – saradnja je ostvorena u realizaciji projekta "Prava i poštovanja bez obzira na spol", finansiranog od strane Kanadskog fonda za lokalne inicijative. Projektne aktivnosti su obuhvatile organizaciju uličnih kampanja u 6 opština u Tuzlanskom kantonu, pri čemu su predstavnici/e Amica Educe i uniformisane policajke podizale svijest i pružale informacije građanima o rodnoj ravnopravnosti, te realizaciju 6 predavanja za srednjoškolce u tim opštinama.
- **SOS Kinderdorf BiH** –
 - Amica Educa je odabrana da realizira program izgradnje kapaciteta uposlenika SOS Kinderdorf-a. Angažman je uključivao razvoj kurikuluma, pripremu i realizaciju radionica za uposlenike (koji rade sa djecom i porodicama) u Sarajevu i Gračanici. Stručno osoblje Amica Educe je pripremio i realiziralo radionice u oblasti porodične dinamike, odogoja djece, vještina komunikacije, traume i stres menadžmenta.



- Nastavljena je i saradnja na projektu koje realizira SOS Kinderdorf BiH, SOS program za mlade – "YES centar" koja ima za cilj unaprijediti kapacitete mladih.
- **Prvi međunarodni festival savremene žene** – Amica Educa je u okviru Sajma ženskog stvaralaštva prezentirala programe i projekte koje implementira, te je realizirana jedna radionica iz oblasti Art terapije za zainteresovane posjetitelje/ice.
- **Drugi okrugli sto švicarskih nevladinih organizacija** – organiziran od strane Švicarske agencije za razvoj i saradnju i Ambasade Švicarske u Bosni i Hercegovini, imao je za cilj okupiti švicarske nevladine organizacije i lokalne nevladine organizacije te pokrenuti dijalog o ključnim temama kao što su izazovi i mogućnosti migracije, ciljevi za održivi razvoj i socijalna inkluzija. Dvije predstavnice Amica Educe su uzele učešće u okruglom stolu.
- **Osmomartovski marš u Tuzli** – Amica Educa je u saradnji sa 5 lokalnih nevladinih organizacija koje su aktivne na polju ženskih prava organizirala prvi Osmomartovski marš u Tuzli. Cilj je bio da se oda poštovanje ženama kroz historiju koje su se borile za rodnu ravnopravnost te da se podigne svijest o brojnim poljima u kojima rodna jednakost nije postignuta. Predstavica Amica Educe je bila predstavica događaja koji je imao značajnu medijsku pokrivenost.
- **Kampanja 16 Dana aktivizma protiv rodno zasnovanog nasilja** – Sa ciljem davanja doprinosa promociji ravnopravnosti, podizanja svijesti i zagovaranja protiv rodno zasnovanog nasilja, Amica Educa je održala 10 radionica/predavanja u okviru Kampanje.



- **Alternativni izvještaj u polju prevencije i borbe protiv nasilja nad ženama** – Amica Educa predstavica je učestvovala na radionici Izgradnja kapaciteta organizacija civilnog društva za monitoring i izradu alternativnog izvještaja u polju prevencije i borbe protiv nasilja nad ženama i porodičnog nasilja (Istanbulska konvencija) u Zenici. Tim povodom je potpisan i Sporazum o suradnji sa Medica, Zenica u izradi Alternativnog izvještaja u polju prevencije i borbe protiv nasilja nad ženama iz perspektive rada Amica Educe na polju prevencije rodno zasnovanog nasilja. Prvi izvještaj o aktivnostima će biti napisan početkom 2019.godine.
- **Osnovne i srednje škole u Tuzlanskom kantonu** – Saradnja je ostvorena u okviru projekata "Porodične grupne konferencije", "Prekidanje tišine o rodno zasnovanom nasilju", "Prava i poštovanje bez obzira na spol" i kao dio obilježavanja 8. marta.
- **OSCE Tuzla / Koalicija za borbu protiv mržnje** – Amica Educa je nastavila učestvovati u aktivnostima Koalicije koji doprinose preveniranju i osuđivanju incidenata motiviranim mržnom i drugih događaja uzrokovanih netolerancijom.
- **Mreža nenasilne komunikacije u BiH** - Amica Educa predstavica, kao certificirana trenerica Internacionalnog NVC centra nastavlja biti aktivno uključena u rad Mreže kroz edukaciju članova/ica.
- **CARE International Balkans i 6 NVO uključenih u projekat** – Amica Educa je jedna od 7 organizacije koje su uključene u projekat "Unapređenje socijalnih usluga kroz jačanje nevladinih organizacija u BiH", implementiranog od strane Care International Balkans a finansiran od strane Češke razvojne agencije.
- **Inicijativa za formiranje Vlade tuzlanskog kantona** – Amica Educa je dostavila Pismo inicijative Skupštini Tuzlanskog kantona zahtjevajući da formiranje Vlade TK bude u skladu sa Zakonom o ravnopravnosti spolova i da se osigura ravnopravna rodna zastupljenost.



6

ORGANIZACIJSKI RAZVOJ

Razvoj Amica Educe se ogleda u razvoju ljudskih resursa, povećanju vidljivosti organizacije, povećanju broja programa/usluga koje nudi Amica Educa, u oblasti zagovaranja i razvoju infrastrukture.

- U aprilu 2018. godine održana je Izborna skupština Udruženja gdje su produženi mandati Direktorice i Upravnog odbora Udruženja te je izglasana izmjena određenih članova Statuta Udruženja kako bi bili usklađeni sa potrebama organizacije.
- Amica Educa je odabrana zajedno sa drugih 6 nevladinih organizacija (NVO) da učestvuje u projektu "Unapređenje socijalnih usluga kroz jačanje nevladinih organizacija u BiH" koji implementira CARE International Balkans, a finansira Češka razvojna agencija u BiH. Projekat traje 3 godine (2018. - 2020. god.) i ima za cilj profesionalizaciju i osnaživanje nevladinih organizacija u BiH za pružanje usluga ranjivim socijalnim grupama i aktivno učešće u dizajniranju i implementiranju relevantnih politika. U 2018. godini Amica Educa je podržana u: sufinansiranju projekta Psihološko savjetovanje, kupovini opreme, konsultantskoj podršci za izmene Strateškog plana i Statuta Udruženja i definiranja procedure zapošljavanja, te izgradnji kapaciteta osoblja. Podrška organizacionom razvoju će se nastaviti i u 2019. godini.
- U okviru projekta "Unapređenje socijalnih usluga kroz jačanje nevladinih organizacija u BiH", Amica Educa je podržana da uposli na godinu dana Asistenta za odnose



sa javnošću. Održana je konkursna procedura i novi član tima će biti angažovan od januara do decembra 2019.

- Amica Educa osoblje se kontinuirano educira u oblasti psihologije, psihoterapije, pedagogije, obrazovanja odraslih, socijalnog rada, rodne ravnopravnosti, menadžmenta i slično. U skladu sa time, osoblje je i tokom ove godine uzelo učešće u brojnim edukacijama, seminarima, treninzima.
- Stručnost osoblja Amica Educe prepoznata je od strane vladinih institucija i nevladinih organizacija, što je rezultiralo angažmanom stručnih osoba Amica Educe u različitim aktivnostima.

Promocija Amica Educe i projektnih/programskih

aktivnosti Povećanje vidljivosti Udruženja, promociju projektnih i programskih aktivnosti, unapređenje svijesti građana o mentalnom zdravlju, rodnoj ravnopravnosti i kontinuiranoj neformalnoj edukaciji Amica Educa je postigla putem: 15 tv nastupa, 3 radio objave, 36 najava na web portalima, objavom 7 novih videa na Youtube kanalu Udruženja, 51.974 posjeta na web stranici Udruženja, 4.131 osoba koje prate Amica Educa Facebook, štampanja i distribucije 28.000 afisha i 800 postera.

Prikupljanje sredstava

U 2018. godini Amica Educa je internacionalnim i lokalnim donatorima aplicirala sa 15 projektnih projekata, od toga; 8 je odobreno, 5 odbijeno a za 2 se još uvijek očekuje odgovor.

7

DONATORI

U toku 2018 godine aktivnosti Udruženja Amica Educa finansijski su podržane od strane slijedećih donatora/fondacija/organizacija:

Amica Schweiz



Cfd - Christlicher Friedensdienst



Ministarstvo za rad, socijalnu politiku i povratak Tuzlanskog kantona



Federalno ministarstvo obrazovanja i nauke



In Fondacija – Fondacija za socijalnu inkluziju djece i mladih u Bosni i Hercegovini



Kanadski fond za lokalne inicijative

Activity supported by the
Canada Fund for Local Initiatives
Activité réalisée avec l'appui du
Fonds canadiens d'initiatives locales



Care International Balkan



Češka razvojna agencija



Smartpeace



Mreža plesova univerzalnog mira



8

STATISTIČKI
PODACI 2018

PSIHOEDUKATIVNE RADIONICE

Teme radionica	Status učesnika/ca					TOTAL	Spol		Broj dana radionica
	Zaposleni	Nezaposleni	Studenti/ce	Penzioneri/ke	Domaćice		Muškarci	Žene	
Kontekst i porodica - Porodična dinamika	0	13	0	0	0	13	0	13	9
Kontekst i porodica - Pozitivna disciplina	0	10	0	0	0	10	0	10	9
Komunikacija i socijalna promjena	0	17	0	0	0	17	0	17	9
Snaga, moć i prava žena	0	20	0	0	0	20	0	20	6
Uspostavljanje mehanizama rodne ravnopravnosti	23	0	0	0	0	23	4	19	3
Kreativno izražavanje slikanjem za studente ERF-a	0	0	56	0	0	56	5	51	30
Kreativno izražavanje slikanjem - napredni modul	7	0	0	0	0	7	0	7	2
Plesovi univerzalnog mira za nastavnike/ce religijske kulture	11	1	2	0	0	14	0	14	6
Plesovi univerzalnog mira - napredni modul	8	2	0	5	0	15	1	14	3
Rodna ravnopravnost	5	2	2	1	0	10	1	9	6
Porodična dinamika	3	8	1	0	0	12	0	12	9
Seksualno zlostavljanje u djetinjstvu	7	3	1	0	0	11	1	10	9
Porodična dinamika - napredni modul	9	4	0	4	0	17	1	16	2
Nenasilna komunikacija	6	5	7	0	0	18	2	16	9
Istorija umjetnosti	9	5	0	1	0	15	2	13	2
Terapija muzikom-bubnjevima	4	6	1	0	0	11	1	10	9
TOTAL	92	96	70	11	0	269	18	251	123
%	34.2	35.7	26.0	4.1	0.0	100	6.7	93.3	

PSIHOLOŠKO SAVJETOVALIŠTE

Aktivnost	Status učesnika/ca i klijenata/ica						TOTAL	Spol		Broj dana sesija i radionica
	Zaposleni	Nezaposleni	Studenti/ce	Penzioneri/ke	Domaćice	Djeca		Muškarci	Žene	
SOS telefon	37	27	10	10	5	1	90	22	68	90
Individualna psihoterapija i savjetovanje (Tuzla)	11	14	4	2	3	5	39	6	33	239
Individualna psihoterapija i savjetovanje (Žrnovnice)	0	5	0	0	0	0	5	0	5	57
Partnerska i porodična psihoterapija i savjetovanje	5	6	2	1	2	3	19	7	12	29
Grupna psihoterapija i savjetovanje	2	3	5	0	0	2	12	7	5	40
Porodične grupne konferencije	6	13	0	0	5	0	53	11	13	14
	0	0	0	0	0	29		16	13	
Psihoedukativna i kreativna podrška djeci	0	0	0	0	0	18	18	6	12	44
Psihosocijalna podrška ženama - Plesovi i Reiki	5	5	0	5	3	0	18	2	16	23
Tjelesne rekreativne vježbe za žene	6	0	0	17	0	0	23	0	23	86
Grupa samopomoći - Porodična dinamika	5	2	0	4	0	0	11	0	11	6
Psihosocijalna podrška ženama u Snagovu	0	0	0	0	10	0	10	0	10	3
TOTAL	77	75	21	39	28	58	298	77	221	631
%	25.8	25.2	7.0	13.1	9.4	19.5	100	25.8	74.2	



RODNA RAVNOPRAVNOST

Projekt/aktivnost	Status učenika/ca i korisnika/ca					TOTAL	Spol		Broj dana radionica
	Zaposleni	Nezaposleni	Studenti/ce	Penzioneri/ke	Domaćice		Muškarci	Žene	
Prekidanje tišine o rodno zasnovanom nasilju									
Radionice za djecu: Prevencija rodno zasnovanog nasilja	0	0	360	0	0	387	187	200	9
Sportski dan za djecu, roditelje i nastavnike/ce	27	0		0	0				1
Forumske i lutkarske predstave u školama	0	0	516	0	0	564	309	255	4
Trening za nastavnike/ce (u 2 Osnovne škole)	38	0	0	0	0				2
Trening za volontere projekta	0	0	10	0	0				20
Prava i poštovanje bez obzira na spol									
Radionice Nenasilne komunikacije i prevencije rodno zasnovanog nasilja	13	6	0	0	0	19	0	19	2
Trening za volontere projekta	0	0	18	0	0	18	7	11	5
Prevencija vršnjačkog rodno zasnovanog nasilja u školama									
Radionica 1: Prevencija vršnjačkog rodno zasnovanog nasilja u obrazovanju	13	2	1	0	0	16	1	15	4
Radionica 2: Prevencija vršnjačkog rodno zasnovanog nasilja u obrazovanju	13	1	1	0	0	15	3	12	4
TOTAL	104	9	906	0	0	1019	507	512	51
%	10.2	0.9	88.9		0	100	49.8	50.2	



OSTALE AKTIVNOSTI		
Aktivnost	Broj učesnika/ca	Broj dana radionica/sesija
Edukacija stručnjaka/kinja zaposlenih u SOS Dječija Sela BiH (u Gračanici i Sarajevu)	58	12
Radionice Art Terapije na Festivalu Savremene Žene	15	1
Prezentacija projekta Porodične Grupne Konferencije za studente Socijalnog rada Univerziteta u Tuzli	56	2
Radionica Osnove Rodne Ravnopravnosti za djecu i nastavnike/ce Osnovne škole Lukavac Grad	64	2
a Radionica Uvod u Nenasilnu Komunikaciju na Danima Psihologije u okviru Univerziteta Tuzla	40	1
Radionica Funkcionalnost i disfunkcionalnost porodice na Danima Psihologije u okviru Univerziteta u Tuzli	20	1
Radionica Nenasilne komunikacije za mlade muškarce - korisnike Udruženja Zemlja Djece Tuzla	9	1
TOTAL	262	20

UKUPAN BROJ UČESNIKA/CA I RADIONICA ZA 2018.g.		
	Broj učesnika/ca, klijenata/ca, korisnika/ca u 2018	Broj dana radionica i sesija u 2018
Psihoedukativne radionice	269	123
Psihološko savjetovalište	298	631
Rodna ravnopravnost	1019	51
Ostale aktivnosti	262	20
TOTAL	1848	825


9

FINANSIJSKI IZVJEŠTAJ

9.1. Prihodi

Ukupan prihod ostvaren u 2018.godini iznosi 327,576 KM što je u odnosu na prihod prethodne godine povećanje za 27,599 KM odnosno 8.43%

PREGLED OSTVARENIH PRIHODA			
OPIS	Iznos KM		%
	2017.god.	2018.god.	2018.god.
Prihodi iz budžeta	16,370	5,750	1.76
Humanitarni prihodi	276,314	304,667	93.01
Prihodi od vlastite aktivnosti	6,926	9,140	2.79
Ostali prihodi	367	8,019	2.45
Svega prihodi	299,977	327,576	100





9.2. Rashodi

Ukupan rashod ostvaren u 2018.godini iznosi 327,325 KM što je u odnosu na prihod prethodne godine povećanje za 27,718 KM odnosno 8.47%

PREGLED OSTVARENIH RASHODA			
O P I S	Iznos KM		%
	2017.god.	2018.god.	2018.god.
Materijal i energija	16,773	14,088	4.30
Usluge	44,174	32,859	10.04
Plaće i ostala primanja zaposlenih	148,798	188,902	57.71
Amortizacija	20,526	20,190	6.17
Finansijski rashodi	384	584	0.18
Putni troškovi	3,578	1,944	0.59
Ostali rashodi	65,374	68,758	21.01
Svega rashodi	299,607	327,325	100
REZULTAT			
Višak prihoda nad rashodima	370	251	

